



სსიპ ბათუმის ორთა რუსთაველის
სახელმწიფო უნივერსიტეტი

14 სექტემბერი, 2023 წელი

ბრძანება № 01-10/107

სტუდენტური კაფეს მოწყობის მიზნით, ბსუ-ს სარგებლობაში არსებულ
ტერიტორიაზე (ს/კ N05.23.03.004) განთავსებული ჯიხურის, მასზე დროებით
დამაგრებული და მიმდებარედ არსებულ მიწის ფართობთან ერთად (ჯამში 24 კვ.მ.)
ფართის იჯარით სარგებლობისათვის, ქირისა და ელექტრონული აუქციონის
პირობების განსაზღვრის შესახებ

„უმაღლესი განათლების შესახებ“ საქართველოს კანონის, „საჯარო სამართლის იურიდიული პირის შესახებ“ საქართველოს კანონის, „სახელმწიფო ქონების შესახებ“ საქართველოს კანონის, „სახელმწიფო ქონების განკარგვისას და სარგებლობის უფლებით გადაცემისას ელექტრონული აუქციონის ჩატარების წესის დამტკიცების შესახებ“ საქართველოს ეკონომიკისა და მდგრადი განვითარების მინისტრის 2011 წლის 10 თებერვლის N1-1/172 ბრძანების, „ბსუ-ს იურიდიულ მისამართზე, შიდა ეზოში სტუდენტური კაფეს მოწყობის მიზნით, ჯიხურის (შესაბამისი ინვენტარით - 8 ცალი რკინის მაგიდა), მის ქვეშ და მიმდებარედ არსებულ მიწის ფართობთან ერთად (ჯამში - 24 კვ.მ.) იჯარის ფორმით გაცემის შესახებ“ ბსუ-ს წარმომადგენლობითი საბჭოს 2023 წლის 10 აგვისტოს №07-01/32 გადაწყვეტილების, საქართველოს განათლებისა და მეცნიერების სამინისტროს 2023 წლის 11 სექტემბრის №1115626 და სსიპ სახელმწიფო ქონების ეროვნული სააგენტოს 2023 წლის 21 აგვისტოს №13/45655 თანხმობის წერილების, შპს „აუდიტორული ფირმა ლაზიკა-აუდიტი“-ს 2023 წლის 12 აგვისტოს №23/182 აუდიტორული (საშემფასებლო) დასკვნისა და ბსუ-ს საფინანსო-ეკონომიკური დეპარტამენტის უფროსის 2023 წლის 13 სექტემბრის №1143539 სამსახურებრივი ბარათის საფუძველზე

ვბრძანებ:

1. სტუდენტური კაფეს მოწყობის მიზნით, იჯარის ფორმით, პირობებიანი ელექტრონული აუქციონის წესით, 2 (ორი) წლის ვადით გაიცეს, საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის სარგებლობაში არსებულ ტერიტორიაზე (ს/კ N05.23.03.004, მისმართი: ქ. ბათუმი, რუსთაველის/ნინოშვილის ქ. №32/35) განთავსებული ჯიხური, მასზე დროებით დამაგრებული 12 კვ.მ. მიწის ნაკვეთით და მიმდებარე ეზოს 12 კვ.მ. ფართი, მასზე განთავსებული ინვენტარით (8 ცალი რკინის მაგიდა), ჯამში 24 კვ.მ. ფართი.
2. ელექტრონული აუქციონის გამოცხადების მიზნით განისაზღვროს:

- ა) საწყისი წლიური საიჯარო ქირა დღგ-ის ჩათვლით - 4800 ლარის ოდენობით;
- ბ) ელექტრონულ აუქციონში მონაწილეობის მისაღებად გადასახდელი უპირობო და გამოუხმობი საბანკო გარანტია/ბე - 480 ლარის ოდენობით;
- გ) ბიჯი - 100 ლარის ოდენობით.
3. წინამდებარე ბრძანებით გათვალისწინებული ელექტრონული აუქციონის პირობები განისაზღვროს ამავე ბრძანების N1 დანართის შესაბამისად.
4. ელექტრონული აუქციონი გამოცხადდეს 2023 წლის 15 სექტემბერს და დასრულდეს 2023 წლის 21 სექტემბერს (განცხადება აუქციონის თაობაზე განთავსდეს 2023 წლის 14 სექტემბერს).
5. დაევალოს უნივერსიტეტის საფინანსო-ეკონომიკურ დეპარტამენტს უზრუნველყოს აუქციონის გამოცხადება შესაბამისი კანონით დადგენილი ფორმით ვებ-გვერდზე - www.eauction.ge.
6. დაევალოს უნივერსიტეტის საინფორმაციო ტექნოლოგიების სამსახურს უზრუნველყოს წინამდებარე ბრძანების და აუქციონის შესახებ ბსუ-ს განცხადების გამოქვეყნება უნივერსიტეტის ვებგვერდზე.
7. ბრძანება დაეგზავნოს ბსუ-ს მართვის ორგანოებს, საფინანსო-ეკონომიკურ დეპარტამენტს, მატერიალური რესურსების მართვის დეპარტამენტს, იურიდიულ დეპარტამენტს და საინფორმაციო ტექნოლოგიების სამსახურს.
8. ბრძანება ძალაშია ხელმოწერისთანავე.

ადმინისტრაციის ხელმძღვანელი

მერაბ დიასამიძე

ბსუ-ს ადმინისტრაციის ხელმძღვანელის 2023 წლის
14 სექტემბრის N01-10/107 ბრძანების დანართი N1

2023 წლის 15 სექტემბერს გამოსაცხადებელი ელექტრონული
აუქციონის პირობები

სტუდენტური კაფეს მოწყობის მიზნით, საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტის სარგებლობაში არსებულ ტერიტორიაზე (ს/კ N05.23.03.004, მისმართი: ქ. ბათუმი, რუსთაველის/ნინოშვილის ქ. №32/35) განთავსებული ჯიხურის მასზე დროებით დამაგრებული 12 კვ.მ. მიწის ნაკვეთით და მიმდებარე ეზოს 12 კვ.მ. ფართის მასზე განთავსებული ინვენტარით (8 ცალი რკინის მაგიდა), ჯამში 24 კვ.მ. ფართის 2 (ორი) წლის ვადით იჯარის ფორმით სარგებლობაში გაცემისათვის გამოსაცხადებელი ელექტრონული აუქციონის პირობები:

1. იჯარით აღებული ფართი გამოყენებული უნდა იქნას მხოლოდ სტუდენტური კაფეს მოსაწყობად, რომელიც შედავათიან ფასებში მოემსახურება სტუდენტებს და უნივერსიტეტის პერსონალს;
2. მოიჯარე ვალდებულია იჯარით აღებულ ფართზე გადაიხადოს კომუნალური გადასახადები, რისთვისაც უნდა უზრუნველყოს წყლის და ელექტროენერგიის მრიცხველების განმხოლოება (ცალკე აბონენტად ან ქვეაბონენტად დარეგისტრირება) საკუთარი ხარჯებით;
3. მოიჯარე ვალდებულია დაიცვას ეკოლოგიური, სანიტარულ-ჰიგიენური და ხანძარსაწინააღმდეგო ნორმები;
4. მოიჯარე ვალდებულია ხელშეკრულების გაფორმებიდან 15 კალენდარული დღის ვადაში აამოქმედოს სტუდენტური კაფე, რომელშიც უფლებამოსილია განახორციელოს მომხმარებელთა მომსახურეობა მხოლოდ შემდეგი სახეობის პროდუქციით: მზა საკონდიტორ ნაწარმი, შოკოლადი, ნაყინი, ყავა (როგორც ერთჯერადი პაკეტებით, ასევე ყავის სპეციალურ აპარატში დამზადებული), ჩაი, გამაგრილებელი სასმელები, მინერალური წყლები, მზა პურ-ფუნთუშეული, გამაგრილებელი სასმელები, მინერალური წყლები, მზა პურ-ფუნთუშეული, ხილის წვენები. ნებისმიერი სხვა პროდუქციით მომხმარებელთა მომსახურეობა ითვლება იჯარის ხელშეკრულების არსებით დარღვევად და გამოვლენისთანავე წარმოადგენს იჯარის ხელშეკრულების დაუყონებლივ ცალმხრივად შეწყვეტის საფუძველს;
5. მოიჯარეს უფლება არ აქვს იჯარის საგანზე, მათ შორის დახლზე (გარდა დახურული შიდა სივრცისა) განათავსოს სამაცივრე დანადგარები, ან/და ვიტრინა, პროდუქციის ვიზუალური აღქმადობისათვის;
6. მოიჯარეს ეკრძალება იჯარის საგანზე განათავსოს/აწარმოოს მესამე პირის რეკლამა და სარგებლობაში გადაცემული ქონება გამოიყენოს არამიზნობრივად;
7. მოიჯარე ვალდებულია ხელშეკრულების გაფორმებიდან 15 კალენდარული დღის ვადაში შეათანხმოს მეიჯარესთან იჯარით აღებულ ფართზე (ჯიხურის

- მიმდებარე ეზოს ტერიტორია, 12 კვ.მ.) განსათავსებელი ავეჯის (სკამი, მზის ქოლგა, გამწვანება და საჭიროების შემთხვევაში დამატებით უფანგავი რკინის მაგიდები) განთავსების გეგმა;
8. მოიჯარე ვალდებულია უზრუნველყოს გადაცემული ქონების მოვლა-პატრონბა და დაცვა, დაზიანების შემთხვევაში საკუთარი ხარჯებით მოახდინოს მისი აღდგენა, ასევე, სახელშეკრულებო ვადის განმავლობაში უზრუნველყოს სარგებლობის უფლებით გადაცემული ქონების და მიმდებარე ტერიტორიის დასუფთავება (ყოველდღიურად);
9. იჯარის საგანი უნდა ფუნქციონირებდეს წელიწადში არანაკლებ 11 თვე, მათ შორის უწყვეტად აგვისტო-სექტემბერი;
10. იჯარით სარგებლობაში გაცემის ვადა - 2 წელი;
11. საიჯარო ქირის გადახდა იწარმოებს ყოველთვიურად, თანაბარწილად, არაუგვიანეს მომდევნო თვის 10 რიცხვისა;
12. მოიჯარე ვალდებულია დაფაროს ხელშეკრულების გაფორმებასთან დაკავშირებული ხარჯები;
13. მოიჯარეს შეტანილი ბე ჩაეთვლება ხელშეკრულებით გათვალისწინებული სარგებლობის საფასურის ოდენობაში, საბოლოო ანგარიშსწორებისას;
14. მოიჯარე ვალდებულია დაიცვას საქართველოს სამოქალაქო კოდექსის, „ჯანმრთელობის დაცვის შესახებ“ საქართველოს კანონის, პროდუქტის უსაფრთხოებისა და თავისუფალი მიმოქცევის კოდექსის, სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსის, „საკვებდანამატების შესახებ ტექნიკური რეგლამენტის დამტკიცების შესახებ“ „საკვებდანამატების შესახებ ტექნიკური რეგლამენტის დადგენილების, საქართველოს მთავრობის 2016 წლის 23 დეკემბრის N585 დადგენილების, „ტექნიკური რეგლამენტების – „სურსათის ჰიგიენის ზოგადი წესისა“ და „სურსათის ჰიგიენის გამარტივებული წესის“ დამტკიცების თაობაზე“ სურსათის ჰიგიენის გამარტივებული წესის“ დადგენილების და საქართველოს მთავრობის 2010 წლის 25 ივნისის №173 დადგენილების და საქართველოს მოქმედი კანონმდებლობის მოთხოვნები;
15. მეიჯარე უფლებამოსილია ყოველგვარი კომპენსაციებისა და ჯარიმის გარეშე ვადამდე გააუქმოს (ვადაზე ადრე შეწყვიტოს) საიჯარო ხელშეკრულება:
- ა) უნივერსიტეტის სტრუქტურული ერთეულების (არანაკლებ 2 ფაკულტეტის საბჭო, ბსუ-ს 2 სხვა სტრუქტურული ერთეული და სტუდენტური თვითმართველობა) მოტივირებული მოთხოვნის შემთხვევაში, ბსუ-ს წარმომადგენლობითი საბჭოს გადაწყვეტილების საფუძველზე;
- ბ) სსიპ სახელმწიფო ქონების ეროვნული სააგენტოს წერილობითი მოთხოვნის შემთხვევაში (მოთხოვნიდან ორი კვირის ვადაში);
- გ) საიჯარო ქირის 2 თვის დავალიანების შემთხვევაში.
16. აუქციონში დამარცხებულ მონაწილეებს და აუქციონში რეგისტრირებულ პირებს, რომლებმაც მონაწილეობა არ მიიღეს სააუქციონო ვაჭრობაში ბე/უპირობო და გამოუხმობი საბანკო გარანტია დაუბრუნდებათ აუქციონის დასრულებიდან 7 კალენდარული დღის ვადაში.